

重訂丹溪先生心法卷三

明新安吳勉學校

脫肛二十八

○脫肛屬氣熱 氣虛 血虛 血熱 氣虛者補

氣參芪芎歸升麻 血虛四物湯 血熱者涼血四

物湯加炒栝 氣熱者條芩六兩升麻一兩麴糊丸

外用五倍子爲末托而上之一次未收至五七次待

收乃止 又東北方壁土泡湯先熏後洗

附錄肺與大腸爲表裏故肺藏蘊熱則肛門閉結

肺藏虛寒則肛門脫出又有婦人產育用力小兒

久痢皆致此治之必須溫肺藏補陽胃久則自然收矣

附方

香荆散 治肛門脫出大人小兒皆主之

香附子

荆芥

等分

砂仁

右爲末每服三錢水一碗煎熟淋洗 每服三錢

煎服亦可

又方

五倍子爲末每用三錢煎洗

又方木賊不以多少燒灰爲末摻肛門上按入卽愈

嘔吐二十九

○凡有聲有物謂之嘔吐有聲無物謂之噦 胃中

有熱膈上有痰者二陳湯加炒山梔黃連生薑 有

久病嘔者胃虛不納穀也用人參生薑黃芪白朮香

附之類 嘔吐朱奉議以半夏橘皮生薑為主 劉

河間謂嘔者火氣炎上此特一端耳 有痰膈中焦

食不得下者 有氣逆者 有寒氣鬱於胃口者

有食滯心肺之分而新食不得下而反出者 有胃

中有人與痰而嘔者 嘔吐藥忌瓜蒌杏仁桃仁蘿

蔔子山梔皆要作吐丸藥帶香藥行散不妨 注船

大吐渴飲水者卽死童便飲之最妙

附方

理中加丁香湯 治中脘停寒喜平物入口卽吐

人參

白朮

甘草

炙

乾薑

炮各一錢

丁香

十粒

右咬咀生薑十片水煎服或加枳實半錢亦可不
効或以二陳湯加丁香十粒并須冷服蓋冷遇冷
則相入庶不吐出又或活人生薑橘皮湯

活人生薑橘皮湯

橘皮

四兩

生薑

半斤

右咬咀水七盞煮至三盞去滓逐旋溫服

熱嘔

濟生竹茹湯

小柴胡加竹茹湯

凡癰類

右並用生薑多煎服

濟生竹茹湯

葛根

二兩

半夏

炮七次
二兩

甘草

炙一兩

石咬咀每四錢水一盞入竹茹一小塊薑五片

加味二陳湯

治停痰結氣而嘔

半夏

橘皮

各五兩

白茯苓

二兩

甘草

炙一兩

砂仁

一兩

丁香

五錢

生薑

二兩

右水煎服

吐虫而嘔方

黑鉛炒成灰檳榔末米飲調下

惡心三十

○惡心有痰 有熱 有虛 皆用生薑隨症佐藥
戴云惡心者無聲無物心中欲吐不吐欲嘔不嘔
雖曰惡心實非心經之病皆在胃口上宜用生薑
蓋能開胃豁痰也

附錄惡心欲吐不吐心中兀兀如人畏舟船宜大
半夏湯或小半夏茯苓湯或理中湯加半夏亦可
又胃中有熱惡心者以二陳加生薑汁炒黃連黃

芩各一錢最妙

附方

大半夏湯

半夏

陳皮

茯苓

各二錢半

右咬咀水二盞薑二錢半煎八分食後服

小半夏茯苓湯

半夏

五兩

茯苓

三兩

右咬咀每服八錢用水一盞半煎至一盞入生薑自然汁投藥中更煎一兩沸熱服無時或生薑半斤同煎

理中湯

見冲寒

欬逆三十一

○欬逆有痰

氣虛

陰火

視其有餘不足治之

其詳在格致餘論

不足者人參白朮湯下大補丸

有餘并有痰者吐之人參蘆之類

痰礙氣而吃逆

用密水吐此乃燥痰不出

痰者陳皮半夏

氣虛

人參白朮

陰火黃連黃栢滑石

欬逆自痢者滑

石甘草炒黃栢白芍人參白朮陳皮加竹荊瀝服

戴云吃逆者因痰與熱胃火者極多

附錄欬逆爲病古謂之噦近謂之呃乃胃寒所生

寒氣自逆而呃上此証最危亦有熱呃已見傷寒証其有他病發呃者宜用半夏一兩生薑半兩水煎熱服或理中湯加枳殼茯苓各半錢半夏一錢不効更加丁香十粒吐利後胃虛寒咳逆者以羌活附子湯或丁香十粒柿蒂十箇切碎水煎服吐利後胃熱咳逆者以竹皮竹茹湯亦無別病偶然致呃此緣氣逆而生宜小半夏茯苓湯加枳實半夏又或煎湯泡蘿蔔子研取汁調本香調氣散熱服之逆氣用之最佳

附方

橘皮乾薑湯 治咳逆不止

橘皮

通草

乾薑

桂心

甘草

炙各二兩

人參

一兩

右用五錢水煎服

生薑半夏湯 通治咳逆欲歔

半夏

一兩

生薑

二兩

右以水煎溫作三服

陰証咳逆

川烏

乾薑

炮

附子

炮

肉桂

芍藥

甘草

炙

半夏

吳茱萸

陳皮

大黃 等分

右爲末每服一錢生薑五片煎服

人參白朮湯

人參

黃芩

柴胡

乾葛

梔子仁

甘草

炙各半兩

白朮

防風

半夏

泡七次

五味

右咬咀每服四錢薑三片煎

羌活附子湯

治吃逆

木香

附子 炮

羌活

茴香

炒各半兩

乾薑

一兩

右爲末每服二錢水一盞半鹽一捻煎二十沸和

枳熟服一服止

三因加丁香

橘皮竹茹湯

橘皮

一升

竹茹

一升

甘草

炙二兩

人參

半兩

棗子

三十箇

生薑

半兩

右咬咀水十盞煎至三盞作三服

小半夏茯苓湯

二陳湯加黃芩煎

木香調氣散

白蔻仁

丁香

檀香

木香

各二兩

藿香

甘草

炙各八兩

砂仁

四兩

右爲末每服二錢入鹽少許沸湯點服

大補丸

見補損

理中湯

見中寒

翻胃三十二

○翻胃大約有四

血虛

氣虛

有熱

有痰兼

病

必用童便韭汁竹瀝牛乳生薑汁

氣虛入

四君子湯右手脉無力

血虛入四物湯加童便左

手脉無力

切不可用香燥之藥若服之必致宜薄

滋味

治反胃用黃連三錢生薑汁浸炒山查肉二

錢保和丸二錢同爲末糊丸如麻子大臙脂爲衣人

參湯入竹瀝煮煎一沸下六十丸 有痰二陳湯爲

主寸關脉沉或伏而大 有氣結宜開滯導氣之藥

寸關脉沉而濇 有內虛陰火上炎而反胃者作陰

火治之 年少者四物湯清胃脘血燥不潤便故澀

格致餘論甚詳 年老雖不治亦用參朮關防氣虛

胃虛 氣虛者四君子湯加蘆根童便或參苓白朮

散或葦汁牛羊乳或入駁駟尿 又有積血停於內

而致當消息逐之大便澀者難治常令食兔肉則便

利 翻胃卽膈噎 膈噎乃翻胃之漸 發揮備言

年高者不治 糞如羊屎者斷不可治大腸無血故

也

戴云翻胃血虛者脉必數而無力氣虛者脉必緩而無力氣血俱虛者則口中多出沫但見沫大出者必死有熱者脉數而有力有痰者脉滑數二者可治血虛者四物為主氣虛者四君子為主熱以解毒為主痰以二陳為主

又方

用馬剝兒燒灰存性一錢好棗肉平胃散二錢右和勻溫酒調服食即可下然後隨病源調理

又方

茱萸

黃連

貝母

瓜蒌

牛轉草

治翻胃

韭菜汁

二兩

牛乳

一盞

右用生薑汁半兩和勻溫服効

治翻胃積飲通用

益元散生薑自然汁澄白脚丸小丸子時時服

附方

燒針丸

此藥清鎮專主吐逆

黃丹

不以多步

右研細用去皮小棗肉丸如雞頭大每用針灸於
燈上燒灰為末乳汁下一丸

棗肉平胃散

厚朴 薑制

陳皮

去白各三斤二兩

甘草 炙

紅棗

生薑

各二斤

蒼朮

泔浸一宿炒五斤

右剉拌勻以水浸過面上半寸許煮乾焙燥為末
每服二錢鹽湯空心點服

參苓白朮散

見脾胃類

保和丸

見積聚類

吞酸三十三

附噯氣